



# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

1 [i.e. 2]. Religiosi beati ante mortem, in morte, post mortem. Thema.  
Beati mortui qui in Domino moriuntur. Apoc. 14.

[urn:nbn:de:hbz:466:1-51834](#)

314 EXHORTATIO II.  
suplicum accipietis & vitam eternam poside-  
bitis: Quod omnibus nobis largiatur sanctissima Trinitas, Pater, Filius, &  
Spiritus Sanctus. Amen.

## EXHORTATIO II. AD NOVITIOS IN OBITU

Cujusdam Novitii, G. E. In Tirocinio Anno 1700. 17. Novem-  
bris pie defuncti.

THEMA.

*Beati mortui qui in Domino moriuntur. Apoc. 14.13.*

**B**angelistarum Aquila Joannes in Apocalypsi sua l. c. re-  
fert allapsam sibi de celo vocem: *Et au-  
di, inquit, vocem de celo dicentem mihi scribe: Beati mortui,  
qui in Domino moriuntur. Amodo jam  
dicit Spiritus (Sanctus) ut requiescant à  
taboribus suis: opera enim illorum (id est,  
præmium & merces operum) sequun-  
tur illos.* Dicta S. Evangelista verba,  
variè à variis Doctoribus ac Patribus  
exponuntur. 1. S. Ambrosius & Haymo explicant: *Beati qui pro Domino,  
seu propter Dominum, moriuntur,  
quemadmodum Martires.* 2. Alii in-  
telligunt: *Beati mortui, qui in Domino,  
id est, ex amore Domini, moriuntur,*  
veluti B. V. Maria, S. Maria Magda-  
lena, S. Franciscus Seraphicus, S. Ca-  
rolus Borromæus, B. Stanislaus Kostka,  
qui ex amore videndi & fruendi Dilec-  
to, mortui sunt. 3. Alii interpreta-  
tur. *Beati mortui qui in Domino, id est,  
in commemoratione, invocatione, &  
amore Domini moriuntur & in actu  
charitatis animam efflant:* Sic S. Aug-  
ustinus in actibus contritionis: S. Hieron, in  
exhortatione ad charitatem Dei & pro-  
ximi: S. Ambrosius in suavibus cum  
Dilecta colloquis: S. Thomas in pro-  
nuntiatione verborum Cantici: Veni  
Dilecte me egrediamur in agnum: S. Pe-  
trus Coelentinus in verbis: Omnis Spi-  
ritus laudet Dominum. S. Xaverius in  
istis: O JESU Deus cordis mei! 4. De-  
nique pleniū & planiū alii sic expo-  
nunt: *Beati mortui, qui in Domino, id est,  
in fide, charitate, gratia & amicitia Dei  
moriuntur.* Ita Primasius, Beda, Richar-  
dus & alii. Unde S. Bernardus ait:  
*Mori pro Domino Martyrum est; in Domi-  
no autem mori Confessorum.*

Nos

Nos præsenti exhortatione, Chariſſimum Fratrem nostrum ante mortem, in morte, post mortem esse beatum, ostendemus, quia in Domino mortuus es.

I. Beatus mortuus, ante mortem, qui in Domino moriantur. S. Ambroſius & Alcazar, per mortuos hic intelligent, non mortuos corpore, sed mundo, non mortuos physice, sed mystice & spiritualiter: qui enim physice mortui sunt, amplius mori nequeunt; quod tamen de mortuis hic aliterit: ait enim Beatus mortuus in domino moriuntur. Unde Aureolus hoc refert ad religiosam Monachorum disciplinam, in monte Cassino Anno Christi 716. Quando, ibidem Carlomanus, Frater Pipini Regis Francorum statum religiosum amplexus est, ut & Chilpericus Rex Francorum, aliquis Regum & Principum Filii: Religiosi enim sunt mystici & civiliter mortuorum quia secularibus negotiis sunt defuncti: tum quia mortificationem JESU, cum S. Paulo, semper in corpore, & magis in animo circumferunt: de qualibus ait idem Apostolus ad Colossi 3. 3. Mortui es sis, & vita vestra abscondita est cum Christo, in Deo. Hi proinde duplice fructu gaudent: prior est, quod iugi pace & letitiae conscientiae fruantur; ut experientia constat, & vox divina hic promittit, dicens: Ut requiescant a laboribus suis: posterior est, quod opera illorum sequantur illos: quia cum firmâ suâ resolutione mortem quasi devorant, hac de causa, in opere ipso non deficiunt, sed stabiles potius, in acribus suis efficaces, constantes, patientes.

fideles, omnibusque virtutibus conspicui, Christi amatores inveniuntur.

Si hoc priore modo, accipiamus Beatitudinem mortuorum, id est mysticè, charissimus Frater noster, beatus fuit: fuit enim mortuus mundo, dum patriam, parentes, amicos, mundumque deseruit, statum religiosum elegit & in hac probationis domo amplexus est. In quo fuit secularibus negotiis defunctus; & semper mortificationem JESU cum Apostolo in corpore suo circumulit; ac proinde pace & solatio conscientiae frumentus est, & in operibus bonis, virtutibusque constantem se exhibuit. Itaque si Beati sunt, qui mortui mundo; vere & nolte Charissimus hic Frater felix est & beatus. Et quidem agnoscit ipse, apertis in alia vita mentis oculis, suam illam beatitudinem longè clarius; & si ad hanc lucem redire literet, & meo loco hic peroraret, quantâ emphasi & energiâ verborum, quantâ affectuum vehementia suam nobis felicitatem contestaretur? diceret haud dubitet.

O mei charissimi Fratres! quanta mea est felicitas, quod ad Societatem JESU vocatus, in eadem vita funetus fuerim? hoc unum est maximis fuit beneficis, qua Divina Bonitas in me immeritum in omni vita mea, contulit: si enim in seculo mortem oppetuisse, forsitan ignibus æternis additus fuisset, aut saltem non adeò bene ad mortem dispositus ac præparatus. Benedictus Deus, per quem vocatus sum in Societatem Filii ejus. Felix sum ac beatus, quod ex homologo de tota vita animum expiarim, oculumque

R r 2 integrum

integrum in eam ritè peragendam, insuperis ; quod in seculo minimè pœnititatem ad eumque præteriorum delictorum veniam obsecuerim : Beati quorum remissæ sunt iniuriae, & quorum testæ sunt peccata. Psal. Felix sum & beatus, quod dum vixi in Societate, ab ejusmodi criminibus, per gratiam Dei, sim præservatus, quæ in mundo, toutes, tamque leviter perpetrari solent, ad qua in hac domo sancta, occasionses defuerunt, adeoque immunis fui. Beati immaculati in via, qui ambulant in lege Domini. Psal. Felix fui & beatus, quod tot menses in Tirocinio, potuerim Deo servire, in paupertate, castitate, obedientia, & humilitate ; ac multa opera bona peragere, quæ in mundo minime peregrinsem. Beati pauperes spiritu, quoniam ipsorum est regnum celorum. Matth. 5. Felix fui & beatus, quod inter vos tanquam Frater inter Fratres degens, in tanta pace & charitate vixerim, tot piis colloquiis edificatus, tot bonis exemplis in omni virtutum genere, excitatus à vobis fuerim, pro quibus gratias immortales refero : Beati pacifici, quoniam Fili Dei vocabuntur. Matth. 5. Felix denique & beatus fui ante mortem, quod extremis Sacramentis ad mortem ritè dispositus, inter Fratrum meorum in Christo charissimorum, astantium, & preces pias ac suspiria fundentium, in Domino piè obire licuerit. Vere igitur Beati mortui qui in Domino moriuntur : magna hæc est felicitas, beatitudo, ac misericordia, quam in æternum canticabo & prædicabo in secula.

II. Beati mortui qui in Domino moriuntur, & physicè mortem obœunt : & hic

est alter titulus felicitatis ac beatitudinis, qui Religiosi mundo mortuis advenit, quod sint beati, quando in Domino moriuntur, hoc est, qui in fide, charitate, gratia & amicitia Dei vitam claudunt : hi enim moriuntur quasi in manu Domini, aut potius in lîsa Dominimoriantur, id est dormientes pielevi, quomodo de S. Stephano protomartyre Actorum 7. dicitur obdormiri in Domino : quod etiamnum pîi in morte fidelium usurpat, & obdormivit afferunt. Beati ergo mortui qui in Domino moriuntur, nam illis 1. Mors est finis laborum : Amodo dicit Spiritus ut requiescant à laboribus suis. I.c. Omnibus laborantibus ait S. Chrysostomus hom. 4. ex imperf. dulcis est finis: viator liber interrogat ubi est mansio : Mercenarius libenter computat, quando annus complebit : Agricola semper tempus meis expedit : Mercator die ac nocte Thera sua disputationem : Mulier pragnans semper de decimo mense cogitat : sic & seru Dei liberter de consummatione seculi requirunt, scriptum est enim ubi est thesaurus tuus, ibi est & tuum. Qui ergo finem laboris, & thesaurum labore reperit in morte, beatus est. 2. Mors est finis tentationum, peccatorum, periculorum, quibus tanquam procellis & fluctibus in hac misera vita jaçantur ; quorum omnium portus securus est mors. Infinis est quietus portus, ait Sanctus Ambrosius. Lib. de bono mort. mors, ait Sanctus Chrysostomus, mors est portus tranquillus, vera requies, somnus, ad meliora transitus, à malis liberatio, migratio terra ad cælum, ab hominibus ad Angelos &

ad

ad ipsum Angelorum Dominum. Quid est functo, qui per mortem peccatis, perit mors, inquit S. Ambrosius L. 1. c. 4. nisi culis & temptationibus eruptus, tanquam virtutum sepulta, virtutum suscitatio.

Quis igitur neget Beatum esse, qui in Domino moritur, ab omnibus hisce malis liberatur, & bona ista omnia asse-  
quuntur, ut de pie defuncto Charissimo Fratre confidimus: eò beatior quod non in mundo, sed in Religione, non in seculari confortio, sed in Societate Iesu; in qua cum securitate & hilaritate mortem oppetimus. Doctissimus juxta ac Religiosissimus P. Franciscus Suarez, ut vita ejus tractatur de Ange-  
lis prefixa memorat: in agone plenus gaudio cœlesti; non putabam, inquietabat, tam suave esse & tam dulce mori in Societate. R. P. Henricus de Hab-  
sprück, ut Annus Belgicae Duacena Anno 1612. recensent, in ultimo morbo rogatus, num in Societate mori-  
cundum esset: respondit: Superat hoc omnem cogitationem. Beneficium est beneficiorum; nemo credit, nemo cre-  
dit. Similia afferuit quidam Novitus annorum octodecim anno 1602. ut in annis refertur, qui extreum jam in-  
unitus ad Fratres, quos Angelos reba-  
tur, conversus, non possum, inquit, vo-  
bis verbis explicare; quam solidavolu-  
ptas, quam secura & tranquilla quies,  
quam profulum atque ad sensum per-  
tingens gaudium sit animo cogitare, se  
mori in Societate; quam una cogitatione dolores omnes & mortem suavem du-  
cet. An non igitur felix & beata e-  
iusmodi mors est? An non Beati mortui,  
qui in Domino, ita moriuntur: Hæc  
quaque sors & mors cecidit in præcla-  
ris Charissimo Fratri nostro, modò de-

III.  
Beatus  
post mor-  
tem.

R. 3 verbis

R. 3 verbis

verbis exprimi nequeat. Verè igitur felix sum & beatus à morte, quæ mihi fuit transitus ad vitam. O vita vitalis, vita sempiterna, & sempiternè beata! Ubi gaudium sine mœrore, quies sine labore, dignitas sine tremore, opes sine amissione, sanitas sine languore, abundantia sine defensione, vita sine morte, perpetua & sine corruptione, beatitudo sine calamitate. S. Augustin. in Manuali. V erè ergo beati mortui qui in Domino moriuntur. & ex his miseriis ad ista gaudia & bona transeunt, quæ nec oculus vidit, nec auris audivit, nec in cor hominis descendebunt.

Charissimi: quemadmodum defunctus noster suam depraedavit felicitatem ac beatitudinem, ita si liceret ipsi, veltriam quodque vobis ob oculos ponebat: & si daretur loqui: diceret,

Beati estis Dilectissimi Fratres mei, quod ad eandem Societatem Jesu vocati estis, & in ea etiammet tempus habetis operandi bonum, coronâisque vestras augendi, mihi pauci solum menses concessi fuere: quidquid in illis acquisiui meritorum, hoc solu habebo, nec quidquam amplius tota æternitate acquirere valebo: vos autem plurima; ergo dum tempus habetis, operamini bonum. O si annum vel unicum habere possem, libenter omnes mundi torius thesauros expenderem. Beati estis, si Regulas vestras ad omnem perfectionem ducentes omni diligentia servaveritis; ego, si scivissem, quæ modò scio, nec apicem illarum prætermibilem. Beati estis, si virtus & passiones strenue mortificaveritis, quia vivetis. Beati estis, si omnia quæ mundus offert, perse-

deretis, & paupertatem spiritus dilexeritis, quia sic ut ego, ita & vos præter litem anima pauca & aleres quaternos nihil hinc auferre poteritis. Beati estis, si strenue studieritis castitati, quid enim juvat blanditi corpori, quod brevi in pulvrem reveretur? Diversa autem & inexplicabilia sunt prima Calitatis in celo: Beati estis, si sedulò & sincere solum Deum glorificatis & ex corde dilexeritis; reliqua omnia non satiant, non juvant, sed velut umbra, somnium & vanitas vanitatum prætervolant.

Vidimus, Charissimi, Beatos esse qui in Domino moriuntur. 1. Ante mortem quæ beatitudo, ut Carissimo Fratino nostro defuncto obtigit, ita & vobis evenit. Hæc beatitudo consistit in vita religiosa, vita abscondita in Christo tranquillitate conscientie, & bonorum operum ac meritorum accumulatione. Agnoscite felicitatem hanc & ea fruimini. 2. In morte: Beatus fuit Dilectus nobis in Christo defunctus, quia à labore ad requiem, de exilio in patriam, de fluctibus in portum aeterna tranquillitatis invectus est. Eadem nos son & felicitas manet, si fideliter in Societate Deo militaverimus. 3. Denique post mortem, verè beatus fuit, quia tunc sacrificiis & precibus adjutus, ut speramus, visione beatificâ SS. Trinitatis potius, gaudet nunc cum Angelis & Sanctis letitia inenarrabili. Tenetne vos deliderum hujus beatitudinis? Mortificationi studere, virtutes comparare, regulas observare, mundum & mundana contemnere, Deum super omnia amare, & in vita religiosæ disciplina, usque ad mortem

mortem perseverate: Qui perseveraverit usque ad finem hic salvus erit; Felix & beatus et tantaque gloria & honore ac luctitia coronandus, ut eam nulla mens concipere, nulla lingua effari valeat. Effugit omnem sermonem, inquit S. Augustinus, excedit omnem sensum decus illud

atque maiestas. Quod Deus preparavit diligenter se, fide non capitur, spe non attingitur, charitate non apprehenditur, defideria & vota transgreditur: acquiri potest, estimari non potest. Beati igitur mortui, & tunc quaterque beati, qui in Domino, in Societate Iesu, moriuntur.

## EXHORTATIO PRO RENOVATIONE VOTORUM AESTIVA.

Cor soli Deo offerendum.

T H E M A.

Soli Deo. 1. Tim. 1. 17.

**S**enecca L. i. de beneficiis c. 8. scribit: Socratis cum multi multa, pro suisquisque facultatibus offerrent; Eschimes pauper auditor, nibil, inquit, dignum te, quod dare possum invenio: & hoc uno modo, pauperem me esse sentio. Itaque dono tibi, quod unum habeo, meipsum; hoc munus rogo, qualemunque est, boni consulas, cogitesque atos, cum multum tibi darent, plus sibi reliquise. Acceptavit benevolè Socrates hoc munus, & habiturum se curam sponte; ut illi, meliorem, quam acceperit, ipsum restitueret. Eschinem imitantur Religiosi, qui cum maximis, innumeris & infini-

tis Dei O. M. beneficiis, non inveniant munus dignum, quod repandant; seipso & omnia sua per tria vota religiosa offerunt, idque tanto animi fervore, ac liberalitate tantum, praesertim mox à peracto Tirocinio; ut nihil de mundo possidere, soli Deo vivere, soli Deo corpus, animam, & omnia sua consecrare aveant. Quodnam verò luculentius veriamoris & gratitudinis signum dari potest, aut testimonium; quam nihil sibi de se, siisque rebus reservare; ac cor suum & seipsum soli Deo in holocaustum immolare? In omni creatura inquit Hugo Victorinus, L. i. de anima, quem solo occupatur, nihil humano corde sublimius, nihil nobilius, nihilque Deo similius. Quare nihil aliud à te petit Creator tuus, quam cor tuum: non victimas atrietum